

意苕山館詩稿

意苕山館詩稿卷三

元和陸 嵩希孫著

男懋修九芝校

丙申至戊戌

錫山舟中作

計程無百里阻滯已行勝江遼潮難到天寒水易冰近橋
爭繫纜問渡各移燈愁絕篷窗底安眠得幾曾

高淳湖

解纜正疾行大湖忽前阻初互白一條勢漸暗平楚狂飈
颯然來駭浪突飛舞蛟龍肆怒號腥氣滿沙浦布帆尙半
張欲側愈飽鼓榜人互相怨恩遽喊收櫓危坐篷窗中我
亦色慘沮豈彼世途險經歷此行甫獨感往行役歸夢每

親所此行已無親誰念征程苦驚魂夜方定伏枕悔何補
四望心默傷星火暗漁罟

平痢泉

我本腰圍瘦一束況復征途事僕僕昏晨得使風露侵那
不百病時暗伏朝來路過平痢泉同伴兩三喜往浴爲言
此泉功最神能令溼痺起越宿暖氣直欲衝心膂拘攣豈
但愈手足我聞敬起一言謝有艾常亦三年蓄卻笑終日
勞其生坐使形骸歎桎梏偶然洗濯縱皮毛未必幽憂併
可逐君看道旁耕田夫四體雖勤苦不覺揚鞭就道各歎
嗟息鞅無時轉躋跼

夾山道中清明

忽見紙錢飛滿路驚心令節客中新遙知家祭當今日腸
斷還應說遠人

登瑞巖憩清心亭

雨後潺潺瀉急湍空亭小坐氣猶寒振巖清響愁誰聽嵌
壁孤花耐獨看屈曲淮流環四面蒼茫雲徑鎖千盤題名
我敢摩厓石張米同游蹟未刊

壁有張大亨
米芾題名

渡澗谿投明光宿

羣峰迤邐來萬流迸一淵褰裳徑欲涉水深沒脛骭沿川
接崇阪俯仰路回旋鳥聲喧叢林芳草冑空舊巖谷紛躋
攀陰晴迭更變晨興振長策行行及昏晏客途方滯淫燕
息知餘羨抱此飛蓬心絕塞感奔電

鳳陽試院偶感

一鞭曾記趁斜陽天入淮南路正長
魚樂幾人尋惠子桑
爭終古笑卑梁落花帶雨閒無力
飛絮兼風勢愈狂惆悵
重來青鬢改征塵猶是滿衣裳

中秋對月示同人

當頭捧出水晶盤雨後清光倍覺寒
千里可堪羈客對十
年誰在故鄉看浮雲白下愁初散
冷露西湖夢已乾莫怪
今宵闌倦倚怕聞人說是團圓

望華亭

望中山色九華分縹緲孤亭欲入雲
繞戶谿流滋細草當
窗樹影暗斜曛銜蘆低拂愁鴻侶
振翼高飛羨鶴羣惆悵

題詩黃仲則夢來何處得尋君

秋浦

風景真如畫瀟湘入夢無秋光疑橘柚水氣颯菰蒲出樹
炊煙直橫空雁影孤題詩懷李白飄泊正長途

道經齊山正逢重九用樊川韻

又隨征雁向南飛不斷山光入翠微老我風塵仍作客何
人佳節不思歸望中城郭含殘雨是處園亭冷夕暉可但
傷心少黃菊淚痕還灑舊縫衣

三折嶺

短驂甫西停長途復東首林壑互回環蒼翠落滿袖峻嶺
陡前聳腳底瀉寒溜路轉俯深窺白日暗當晝坡陀起長

風竹石變淒瘦況茲十月交冰雪逼嚴埃行役苦不息窮
檐得相就羨彼世人潭水恣清漱

石埭

征途逾石埭空明變一色行行十餘里山勢削平直迤邐
迎石闌盤曲礙荆棘澗路斷欲冥心魂懷悽惻忽然翠屏
開奇境破偈仄晨曦透巒嶺回風隱松榦陰晴一日中變
幻不可測溼翠挹兩袖短景欲忘偈昔游憶山陰勝侶選
登陟仙緣歎我慳塵慮暫此息

簞嶺

岡巒接雨餘百里迭更變林木引蔥蘢前路盡平行仰望
勢鬱蟠蟻磨遞回旋谿流聲潺湲風激袂欲濺日光隱山

坳皚皚積微霰飛鳥不能過絕頂目昏眩東指黃山雲縷
縷起如綫異境愧乘傳搜尋未能徧傳聞煦春時簞竹滿
山澗凋景惜隆冬環顧失青嶂昇夫凍且僵奔蹶夜忘晏
敢歎行路難煩憂自驅遣

新安小至

倦游依舊滯非鄉冬至明朝祇自傷歸夢欲隨途共遠客
愁偏與日爭長塵凝竹葉難容醉寒勒梅花未放香便擬
布帆安穩挂可禁冰雪滿河梁

輦嶺

晨發績溪縣急景更寒凜杖策上層巒躋險倍踔躐怪石
踞當路豁訝怒齒類俯瞰萬丈潭渴虹下垂飲一綫鳥道

豁全部此屏枕開鑿知何年興圖紀能審回望簞嶺高池
徽路同諗前烈至今頌我恨獨未寢人心有險巇安得盡
削鋟縣厓一長歎陟足竊心懷

涇縣

後山方崎嶇前嶺又突兀曲徑取紆餘峻阪下層折峰尖
矗欲傾石縫訝疑裂危澗怒宿雨噴薄助虹蜺綫路若可
通蟬行欲彌缺忽然露坦途四面望空闊長風起坡前落
日挂林末趣鞭正急行一峰又攔截嵯峨削飛雲削另瞰
幽窟循厓赴蜿蜒十步九顛蹶捷徑豈或無尋求我偏拙
登頓盡仄景險巇始身脫

宣城

驕心迫元冥惻惻正未休
林端皚積雪淒氣增衾裯
昔賢歎久謝文藻空山留
疇能坐高齋嘯詠追北樓
音塵想闕寂良會徒優游
赤鯉不可控塵迹嗤猥猴
一泓宛谿水那照心悠悠
千里望無極落日生煩憂

得小雲從祖念曾山左書

別離嗟少小頭白見猶難
羈客仍千里浮生誤一官
死喪悲骨肉門戶感凋殘
宗老書中意誰能忍淚看

別筵

暫抵閒愁敞別筵登樓身世感
前賢相如末至難居右謝
眺才多肯忌前徑有清陰分
綠竹池餘秋水泛紅蓮飛鴻
漫信遼天闊萬里雲羅落日邊

歸舟同顧蕤勺

本立

黃鵠志四海萬里隨所翔恥與燕雀侶振翼枋榆搶矢懷
慕前哲冥冥思頡頏順風苟未遇繒弋慎路旁孤往昧違
俗得免羣非傷知君自穉齒久要念無忘同舟感交勵投
足宜知防願各閤貞素空谷期恆芳

江行阻風示蕤勺

江頭連夕阻歸程到枕潮聲夢尙驚計日歲除愁共數東
風偏與客相爭

相對離愁訴奈何淹留吾敢怨風波倚閭已斷今生望便
早還鄉涕淚多

棚瀆訪吳仲倫丈不值留題初月樓

慨然就征途辛苦忘行役
古塘曲水閒爲有高人迹
微波幸早通清輝忽遙隔
一帆經相過積慮冀重釋
足音胡楚然候門自踈踏
豈其太古蹤亦許步塵屐
高鳥飛未還幽花發正劇
初月望林端叩舷悵今夕

廬州得王亮生書

三日住廬陽風雨黯淒苦
啞啞白項烏悲鳴來何所
忽得故人書亟讀痛失怙
久客方幸歸終恨已莫補
人生事親日短長忍回數
少小不知識中歲離門戶
依依曾幾時忽忽竟千古
欲聞笑語聲落日一抔土
血淚我未乾聞信倍悽楚
夜夢儻許尋與君膺同拊

宿湛露寺

風雨連朝阻客程無聊又此聽鐘聲不知身亦勞勞者卻
笑山僧管送迎

念遠

念遠知無已春光兩地孤尋常猶別恨風雨況長途辛苦
梁間燕悲嘯月下烏近來憔悴意不獨爲征夫

潁川錄別

甲帳從公袂幸聯引杯燒燭感他年窺來舊鏡須眉古話
到遺書涕淚連客路遠迷雲外樹重樓深鎖雨中煙翻嫌
此會成多事鄉夢離愁一夕牽

風雨過潁上見牡丹一枝

春光過已盡好花未一見投宿潁川濱一枝露牆面顏色

頗自矜眾芳謝婉嫵雖然出羣姿擢秀未愁晏雨風奈數
摧零落不成鈿殘燭持何人流連照清譙故園開正繁歸
夢曉猶戀得句寄朝雲彩筆欲誰羨

曉行示同人

征人睡難穩不待雞鳴促夜半起披衣殘夢醒僮僕同行
二三子相顧感勞碌百年曾幾何半向征途宿飽食五侯
鯖得勝飯脫粟袞掖衣雖殊塵鞅困豈獨人人各有營誰
見願能足儉歲矧屢逢轉徙滿溝瀆謀食旣不免敢更怨
驅逐羨彼耕田夫不識輪與軸

捕蝗歌

連天蔽野飛蝗蟲縣官督捕來郊東酒漿廚傳望絡繹旌

旗落日相麾紅朝祈炎官暮田祖牡鞠焚燒法稽古依然
跳躍徧陌阡翦撲誰知小民苦小民苦欲何言今年蟲患
殊往年往年食苗今食草蝗不爲害蒙天憐但願官令免
捕蝗得勤耕作無荒田嗚呼此意官豈識政怒捕蝗民不
力可憐蝗多捕難盡已經十日耰鉏釋驕陽如火暑未徂
蝗不食苗苗欲枯苗欲枯蝗雖捕盡奚爲乎君不見蝗入
青州墜地死魚蝦曾化武陵水趙嘉馬援皆稱賢美政何
嘗捕蝗始

次韻和沈鶴沙

嘉樹

春光回首少年賒我亦因君感歲華生世自悲鮎上竹浮
名久付鏡中花空梁泥落深愁燕枯樹風高欲噪鴉且得

詠懷同阮籍歸期休問邵平瓜

春盡

百年將過半春盡尙難歸飛絮隨流水殘花眷落暉浪游
勞未已招隱願仍違悵望鄉書至離情入夢非

遣懷

短松不巢鶴竭澤無潛鱗仰面看寥廓何者非風塵德公
入城府孔璋歸江濱昔賢苟易地輕重誰具論孤桐抱清
響失時摧爲薪

何遜昔裋褐知者亦云寡一投沈范詩聲名滿朝野窮達
安足論抱負欲誰假有淚如黃河龍門自傾瀉

癡龍臥潭底自抱領下珠鄭璞乃爭貴莊雁生悲吁公路

雖羸材康成豈虛拘鑑明光自燭鐘應霜不渝古人已長
往太息空山隅

杜陵羞雷同退之戒剽竊文本載道器非求世苟悅所以
郊籍徒心目務劇怵今人乃不能尺錦恣割截求劍爭刻
舟製冠笑聚鵠不見謝宣城數篇自殊絕

金彈拋不收瓦甌破屢顧勞心按牛羊轉盼失麋兔君子
貴遠謀小人務細故鴻飛已冥冥弋者篡應悟

坦途有覆轍豈必陟太行安波有駭舟豈必泛重洋禍患
乘所忽愚者不知防臨履苟能慎冰淵夫何妨誰云金可
鑠毀謗徒憂傷

泉明賈阿端義山譽衮師一譽與一責是非焉可知嗟吾

乘嚴訓淹忽已少時動輒得尤悔自愧愚魯姿先德不能
述清夜堪追思但留血淚痕持示兩頑兒
跬步苟不休跛鼈致千里錦匹積成寸有機貴勤理禽視
而獸息危言懷何恃少壯悔莫追老至將曷已識鼈雖無
用面牆實深恥惜此炳燭光朝聞庶夕死

萊陽丐者失其名死於宋荔裳先生之門囊遺一詩
宋孫某爲徵和章王亮生有詩寄宋亦次其韻

悲歌又聽出蘆中腸斷聲懷落日東乞食世原多變相憐
才人自話家風死雖有託名終沒魂縱能招迹已空讀罷
君詩更三歎可能阮籍不途窮

望家書不至

驚喜鄉書入手看，幾回夢醒笑無端。
莫疑歸近因遲發，亦慮愁多欲寫難。
月影生憎千里共，雞聲遮莫五更殘。
客中強飯聊憑報，休道還家定歲闌。

留別王研雲

寶仁學博

年來依舊戀征袍，水驛山程夢尙勞。
舊雨可堪愁裏對，鄉音偏愛客中操。
本無奢願官宜冷，已了名心語不高。
記取六安圓月夜，別君幾度首頻搔。

茅庵

羈客易爲感秋氣，況暗侵孤懷。
欲何暢蘭若幽聊，尋斜景正西。
追涼意生空林，眾鳥喧已息。
聒耳無繁音，泉流瀉不竭。
磬響聽微沈，當窗見孤塔。
倒影凌江心，誰此理舟楫。

然動長吟俯仰一身負勞勞成古今

書周官冢宰篇後

周官設府史但以治書契冢宰攷其成所任本瑣細自後
法令興權遂公卿替豈真胥吏賢足重朝廷寄以彼在官
久奉行熟成例於例苟或違詔敕尙可棄奏劄安足論指
駁更無忌儒生但通經吏事豈嘗試抱牘進几案畫諾敢
自異嗟嗟例日增牛毛細孰計比附旣靡定輕重可以意
因之得爲奸內外競營利遂使滑渙徒分布徧要地賄賂
竟公行破家害焉避非無經世才抱負管樂繼誰能奮下
僚赤手破積弊不見漢廷尉斷獄用經義文景幾刑措詎
由刀筆吏任官不任法郅治庶可冀一讀姬公書千載感

興廢

魏塘訪沈鶴沙

相約輕帆過魏塘
蕭疏門巷認斜陽
離情重許挑燈訴
生計無如賣藥良
避弋歸鴉還繞樹
先秋病葉況經霜
可堪白髮添如許
話到躬耕尙渺茫

題樊補之雁湖省墓圖

已抱終天恨
空餘廬墓心
江湖況遠隔
魂夢亦徒尋
涕淚松楸漬
程愁雨雪侵
近來論至性
誰得似君深

重至姑孰登太白樓望江

大江流不盡
依舊枕高樓
山色自今古
斯人空去留
望中飛鳥絕
煙際遠帆收
陳迹尋何處
重來悵獨游

燕

見從春社裏來自畫樓西不惜程途遠偏驚風雨淒音原
分老鳳羽欲借山雞簾爲珍珠捲梁曾玳瑁棲身輕飛故
遠腰細舞還低舊夢烏衣醒新巢白屋迷回翔難擇樹辛
苦此銜泥訴怨惟斜照關情有柳稊漫隨村鷄啄忍逐屋
烏嘯少婦深閨夜無因意獨悽

枯柏歎爲沈鼎甫先生作

懷袞樓前兩枯柏相對亭亭仰百尺參天雖失姿青蒼拔
地未改性正直主人愛其異凡木不忍縱令斧斤卽豈疑
生意尙可培或幸蟲蠹未盡蝕祇此可見仁者懷一物失
所亦心惻今年我來庭宇空觸眼何能免太息自來陵谷

有變遷況乃凋喪匪朝夕難忘譽樹惟韓宣願得甘棠此
重植

池陽至宣城道中作

歸雲本無心風來引之出倦鳥飛已還焉顧舊巢失客行
問何樂往來此更迭津梁渡知疲芒屨踏屢折巖壑尋所
經草木若相悅流光驚暗催暄淒變風物山靈笑勞人塵
鞅息何日俯仰大道旁心迹兩縣絕

回車指要津春風正拂面問渡爭褰裳明媚引花鈿誰能
就荒谷寂寞自留戀豈知澹煙中奇境鬱千變幽香發芬
菲細草露蔥蒨斜景挂林梢晚霞弄餘絢仙人王子喬招
手隔雲澗諒無出塵姿芳蹤枉心羨

紆回過石埭，翬簞接重嶺。肩輿不前崎，
輻路彌迴挽。索敢憚勞，黽力誰省。老馬雖識途，顛蹶免已幸。冥行羨彼蜚，
蛩摘埴遇靈境。孤花戀山椒，憔悴空斜景。雲羅尙滿天，歸鳥定知警。

昔游正窮冬，冰雪載巖谷。今來桃李花，春陽散芬馥。逝景迅莫追，來日感彌促。好鳥鳴枝頭，入耳勝絲竹。愴然忽我懷，此意自不覺。乃知境無常，欣戚異所觸。山川互古今，更變任寒燠。

我行忽有懷，雅詠欲誰託。謝公曠代賢，高齋坐寂寞。延攬乃殷殷，襟情羨宏廓。繡裳彼何爲，相鄰敞層閣。匹練橫長空，澄暉想猶昨。世無謫仙人，低首亦徒忤。風塵感悠悠，山

水自落落遠引且未能長嘯謝雲鶴

星

嘒彼星三五微光與月爭不知星起處仍借月光明

效玉谿生體寄顧純勺西泠

漫道靈犀解辟埃那知苦調雪弦摧蜘蛛有意營新網
蜨何心點舊苔風定燭殘筵乍散月斜鐘冷夢初回
相思後夜渾無據珠玉成塵錦作灰

書兩當軒詩後

我愛山谷詩孫詩才雄氣勁無詭詞慨然淫哇正雜出
狂瀾力挽驚當時平生聲譽滿海內少年曾此葩華摘
太白樓頭片紙落翩翩白哈人皆知可憐數舉不得意
名籍未

許通丹墀曾懷古人數千輩發語那免羣兒嗤我生
略君後未得醇酒從君持君所經歷我尋逐山亭水驛皆
君思抱君詩卷發感慨君歸何處空驅馳如君才調尙失
職況我庸鈍窮焉辭願君魂魄時我戀得句庶幾誇神奇
宵深什讀起三歎颯颯風雨當窗吹

山行

亂山不知名當路輒相阻怪石踞其前怒牙列如虎老樹
紛攫拏狂飈助飛舞作勢錯遠近環抱若牆堵登頓屢蹶
顛俯仰窘接武攀援非無徑偪仄氣難鼓泰岱憶昔登一
青互齊魯屐齒儼可尋有路豁平楚始知所歷高轉免躋
陟苦笑問此巍巍去天豈尺五

自歎

壯歲逐征途自歎老未息魂夢安風濤筋骨習羈勒有懷
百鍊剛寸折不使直強顏託耿介干請免未得延座非無
賢跋履自有客平生拙言辭囁嚅亦偶飾歡尙隔肺肝慙
已露形色本非性所樂邯鄲冀情各適愆咎苟幸免內訟敢
或釋羨彼山中鹿呦呦萃自食

送王叔淵

玉桂歸省

傷心我已無親侍聞道君歸爲省親垂老漫悲千里別浪
游同感百年身移牀人自嫌殘客入幕誰真是上賓行徧
大江南北路到家先與撲緇塵

贈別汪裕之

昔曾留鄭驛此復共袁杯
不忘西湖夢誰憐東閣才
心情風鷁寄蹤迹露鷗猜
後約知何處期君秋水隈

獨倚

獨倚雕闌有所思
珠簾不捲月來遲
分明對酒徵歌夜
悵悵攀條惜別時
銀燭搖風光黯黯
紅樓隔雨冷差差
夢中連夕金微到
只是旁人未得知

寄懷沈鼎甫先生

公才公望總心欽
授簡梁園愧昔深
爲厭清談輕世說
早傳獨行重儒林
東南孔雀飛誰見
西北高樓夢欲尋
識得平生冲澹意
幾時朝罷許抽簪

毘陵吳季子新祠周愛棠

陰南

屬題

磊落平生挂劍心
高風千載想知音
延陵城畔瀟瀟雨
誰共新祠繫纜尋

移寓楓橋許蓮友

其推

枉訪賦贈

相逢莫怪語偏親
十載曾留未了因
結客始知貧賤誤
論交悔說性情真
避風倦鳥爭投樹
傲雪寒梅肯放春
可惜別離容易賦
暫時也算隔牆鄰

偶誦清芬感慨同
飄零餽粥自家風
黨人已少知元禮
未俗誰能說敬通
八口尙飢愁歲暮
一甌欲飲惜途窮
劇憐雨雪深宵裏
相對孤燈坐不紅

酬朱仲環

綬

儒生手無匡俗權
寸心乃欲文字傳
作爲詩歌泣神鬼
豈

但金石聲淵淵往我逢君各失意看君未便除豪氣何期
四十始舉鄉五上春官仍不第歸來閉門自著書目擊時
艱歎誰濟嗟我侯門履頻踖十年蹤迹浮舟楫秋來得卸
姑孰帆喜過君廬話款洽西風颯颯吹茭蘆水面游魚看
噍喋折簡更招張季鷹詠仙飽飯金齋佐玉粒此時天地
空纖埃何處人閒有嚼沓休更重論往日情祇煩商略干
秋業我雖顛倒赴一官尙幸故物餘青氈南徐北固好山
水君來儘可相盤桓新詩贈我感君意到時定許相傳觀
明年遲君訴離別春江水暖期漫漫

張筱霞錫智

表弟來寓話別時亦將游新安留宿感

贈

與君少小如兄弟復此聯牀一慨然門祚盛衰堪共說世
途毀譽問誰賢兩心自許孤燈識百感偏教濁酒牽莫遣
流光如我誤早歸好補白華篇

意若山館詩稿卷三終

孫潤庠曾孫家振校字

意苕山館詩稿卷四

元和陸 嵩希孫著 男懋修九芝校

己亥

楓橋寓館與親友話別

暫憑尊酒話團圓
紙閣簾垂雪後寒
寺近轉疑鐘響斷
春遲未覺鳥聲歡
無多親舊別非易
本少田園歸大難
愁說上元燈火夜
今年猶在故鄉看

挈家赴潤州途中雜感

潤州古雄郡山川發奇秀
我生幾經過往事想童幼
侍親游梁園停橈此雪晝
寒氣逼征途皚皚映遠岫
息廿餘年飢寒積奔走浮玉慳
再登中冷未一漱空餘孤兒淚
到

此輒滿袖鬢鬢已漸皓風景感非舊何堪回首更回撫心實多疚

校官八品卑祿秩等末吏雖無折腰羞久比匏瓜棄拘迂況如我遠大豈所志聊喜近故鄉親朋可時至幸免蒯緱彈藉作鶴巢寄翳昔設官初豈以儒爲戲道義膠庠尊風化學校始人苟不自輕稱職亦非易我行辭故人竊竊方滋愧

蘇鎮一水通計程祇信宿時方濬徙陽改道就孟濱十日阻北風雨雪先冰雹舟漏塞恩忙褰裊喊童僕吁嗟行路難我嘗亦已數茲猶盡室行曩者一身獨慈母倚門闔魂夢兩馳逐爲養已不逮安用此微祿不見返哺烏岸旁自

飛啄

門祚感凋零親故亦漸少惟此渭陽情依依我懷抱憶我
童稚時五經讀未了隨母外家居機杼伴昏曉教誨舅兼
師聞道苦不早舅今衰病侵辛苦畏長道那得杖履親魂
夢徒飛繞毛義爲親仕我已親顏杳杳墓彼何人回望心
悄悄

鳳圖石歌

并序

學舍舊有四靈圖石刻相傳宋乾道中熊克撫漢作龜
龍久廢惟麟鳳存不知何年二圖亦失所在嘉慶丁巳
趙司訓帥得鳳圖殘碣於草萊中因撫麟圖併嵌於壁
紀其事復繫以詩余忝斯任景仰前賢因次其韻

蝸皇鍊石遺巖宮上蟠彩鳳光熊熊摩挲碑贊實漢隸此
物豈出京西東細觀乃知宋撫刻當時應歎搜羅窮何年
鐘磬共淪沒若有承露盤移銅趙君嗜古有奇癖神物忽
現荒萊中飛鳴若欲效朝旭無怪此處多梧桐蘚痕磨剔
昇嵌壁夜夜光怪騰蒼穹龜龍人廢四靈半麟圖鐫補誰
之功尊彝敦獻掘京兆愛奇劉敞將毋同濡染大筆紀長
句文字鬱律真猶龍紛紛塵俗競趨埒何人能躡君高蹤
不才昏眼自揩洗諦觀亟起將紗籠此圖應入集古錄當
世誰是歐陽公願拓萬本徧相遺庶幾頑懦興闢風

登北固山

山樓終古鎮崔嵬萬里江流地底回蘇米文章餘斷碣齊

梁事業空荒臺望中燈火維揚見直下帆檣建業來天險
東南此保障不知誰是出羣才

游焦山

江流看不盡乘興此宵游燈影移僧閣鐘聲墮客舟月明
前代寺潮湧海門秋欲問焦先迹茫茫祇白鷗

曾大令

承顯

築室北固爲游讌之所顏曰如此江山

撫米南宮研山圖於壁以拓本見貽奉謝

潤州富山水勝迹饒名賢風流旣歇絕亭館多變遷曾侯
負雅望政暇時留連海嶽問遺址碑版荒寒煙慨然懷古
意雲構新崖巔摩挲研山銘石壁重磨鐫江山歎如此風
物皆增妍蘭亭彼輕碎墨寶空千年流傳茲何幸韻事知

誰先拓本感相遺報愧無瑤篇

酬趙良甫

函

卽題所著樂潛堂詩後

海內稱詩君最久我雖未識識君友金毛朱張並絕倫

手調

山生甫仲

環詠仙每道君詩不去口今來相見索我詩心縱生感

顏則忸譬如嫫母逢西施粉抹脂塗豈忘醜又如壯士彎
強弓懦夫決拾敢居後所幸詩道自廣大濃淡平奇任各
取以道性情是則同性情不真詩何有平生所得惟區區
質諸先生然乎否一編授我讀夜深肝腎心驚苦雕鏤此
境高寒那可尋獨立空亭仰星斗

題王芭泉

恩注

詩稿後卽以爲贈

休道官無隔宿糧也會螭陛侍

先皇

芭泉會
宮中書

名場久歷

心知淡詩卷能留味較長山色南徐環古樹江聲北固走
斜陽憑君彩筆都收拾前輩風流此未忘

寄答故鄉親友

官舍敲斜四五閒蕭條風景比柴關到門江近疑浮艇入
戶雲多悟住山潮落車螯登市賤巷深鮭菜列盤艱諸生
雅識嵇康懶得放琴書盡日閒

邵子顯

廷烈

枉過

十年不見君君來喜可知與君話夙昔倉卒難盡辭呼兒
且拜君忽憶識君時時亦兩年少鬢鬢胸若茲驚看各動
色動色還嗟咨人生無百歲過駒孰能追更復二十年存
亡知爲誰流水逝何急春風來無期庭前芍藥花亦若感

別離君官江北許我居江南湄盈盈一水接非有千里睽
願得數相見毋使長相悲

與王亥坪

德茂

大令

邑令非卑官民命重斯選世衰道失已營競或未免門望
大府高堂隔小民遠呼籲豈不聞趨承那敢緩君胡坐堂
皇憂心偏憲憲但恐閭閻愁焉慮近習短下車甫三月歡
聲路已滿此心願堅持毋謂龔黃罕

昔君宦南粵遺愛傳遐氓斯邑號難治民俗紛欺爭君來
不任法訟獄乃日清城隍旣興築川瀆方經營民夫役千
萬踊躍趨藝鉦苟非信民志安得民輸誠催科信君拙那
聽蒲鞭聲誰書上上考太息思陽城

民俗固宜善士風尤當醇教民若子弟其意殊肫肫以故
鄉校士情亦家人親古者地官職教養原無分後世失其
意但以吏事勤無怪文苑傳不入政事人封建變郡縣良
法知久淪民事視已事千古誰君倫

束髮慕讀書溫飽豈徒羨分無濟世才微祿愧此戀感君
厚相期論治每宵晏此邦異强悍刑罰識非先所惠利共
趨鎔銖競愚賤覲顏膠庠徒亦復不可諫自非恥共敦邇
見俗壹變芻言或可採陳之當謠諺

得周亦泉燭書卻寄

見說荒園拓數弓柴門原有苧桑風燈前擁髻憐通德膝
下傳經羨小同修竹影邊筇獨倚寒梅香裏夢先通布帆

倘肯江頭挂鮭菜能供遲雪融

庚子

書劉刺史

印全

守綿事略後

嘉慶戊午夔匪偪綿州時州城爲水所壞遷治羅江毘陵劉公來牧是州曰綿夔相接無綿是無全蜀矣亟築城爲守禦計城甫成而賊大至將軍魁倫擁兵不戰公帥鄉勇連敗之不一月賊平綿人立公生祠於州州人孫觀察文煥爲文紀其事公從子遵燮與余同官丹徒屬爲此詩

高談韜略誰知兵辦賊何必非書生指麾羽扇足了事貔貅坐擁空虛聲往事猶傳歲戊午夔匪煽亂勞斯斧妖氛

漸逼綿州城州城淪水無三戶毘陵劉公甫下車喻以大
義民爭趨曰無綿州卽無蜀興藝胡可遲須臾城成賊勢
正猖獗慷慨挽鬚氣勃發守城殺賊誰我從萬夫一呼應
倉卒堂堂將軍天上來旌旗蔽日聲喧雷賊鋒當前不敢
近蛇山退守軍親麾登高卻歎刺史勇一戰驚看賊旗動
逐北追亡戈盡投脅從罔治懽騰踊嗚呼蟻賊安足云紛
紛徵調勞千軍守城盡如劉刺史諸將豈得稱功勳我生
恨晚未公識識公從子語悱惻知公忠孝能傳家愧彼徒
磨盾頭墨

五十初度自述

人生無百年五十已過半況我孱弱軀豈敢望遐算所嗟

志氣衰至道愧仰鑽追念趨庭時訓誨積所肝利祿非所
期聖狂貴能判卅載溷風塵蹤迹雜里閭奄忽鬢鬢皤攬
鏡自驚惋先志承末由藐躬罪奚追

家世本寒素負郭少田畝中歲逼飢驅挹免四方走有弟
痛早亡晨昏已無偶子身復遠游何以慰慈母因之亟求
養爲懽冀升斗豈知辜獨罹彼蒼莫予叩得祿不及親不
如米長負已矣今何言此恨忍回首

六經幼所習記誦敢盡懣亦嘗事綆汲智短難爲功大義
翼略領訓詁昧異同冥心愧時賢纖細勞研窮先儒嘿無
語末學將安從學易過可寡誦詩政能通聖言抑何遠疇
與腐我衷忽忽老已至畢世終愚蒙

少小學詩歌喜作激昂語中歲略有得知非道所取詩教
尙和平風騷有正矩藉非性返醇安得格追古舊習漸知
棄新語庶一吐海內多賢英獲益默心數一藝終未成材
質愧愚魯陶謝誰能師千秋自仰俯

我本無可知敢怨知者希愛我豈無人往事感已非管子
自言貧淵明不諱飢誰使浪游子不缺血與衣蟣蝨在天
地資取良亦微未免事干請傷直那弗譏青雲不自致倦
翮終低飛有懷半存歿欲報空歔歔

淵明淡宕人軒冕等敝屣獨於五男子責之不容已豈非
式穀情未嘗異賢否我雖寡問學稟承固有以已愧世務
嬰志氣卽頽靡敢蒙舐犢譏先德昧嚴砥兩兒性卽頑失

教亦吾恥願言守祖訓黽勉慎所履

泠泠茗雪閒先墓遠在茲雖無千里隔已苦一輩遲子孫
苟不賢輕棄將可知自我事行役缺祭非一時迨今戀微
秩展拜更何期念此抱深疚涕淚能無滋安得墓旁地築
室留餘資此亦先人願何日成吾私

本無經世才安望得高選校官秩雖卑差幸折腰免況茲
山水區塵俗足驅遣閉門息奔馳晏起恣清簡以茲養不
材於我遇豈蹇愧非揚子雲奇字習墳典何當載酒過令
我顏深覲教學原相資此心敢忘勉

送曹二香

樹杏歸里

早知有此別不道卽今朝微祿原非戀浮名祇自嘲亂蟲

愁唧唧落葉冷蕭蕭後夜相思夢隨君滬濱潮

嘲燕寄袁生雪齋

志筠

嗟爾天涯息影遲飛飛還欲傍高枝只愁落日樓臺畔無復濃陰似舊時

秦淮旅館曉起

鐘聲催客起坐待曉涼生落月欲無影幽禽時一鳴荷殘陂更靜竹密徑逾清記得前游在依稀夢未成

畏熱

休將襤褸笑征輪此亦炎威苦逼人待望西南好風起飛來又恐庾家塵

斷釵歌爲湯雨生

貽汾

協鎮母夫人作

夫人姓楊氏翁爲鳳山縣令乾隆丙午死林爽文之亂
夫苟業同死夫人以奉姑省城得免貽汾貴後迎養邗
上一日所用釵忽斷釵故夫人父定武公所賜相從三
十九年矣思往痛今作二絕句紀感貽汾繪圖徵詩屬
爲題此

玉釵夜向牀頭折釵中有淚漬成血阿翁死忠夫死孝忍
死撫孤痛誰說釵完與完缺與缺兒成人受國恩能以武
功光其門孝子之子忠臣孫不負母教母願伸母願伸母
心苦呼兒前聽母語此釵雖斷親所與思親視此傷心句
兒讀未畢淚如雨兒今亦白頭母在當兒憂母不可見母
詩留悲吟莫向登壇日能使三軍涕橫流

哭季才叔父

邦良

夜聞白項烏向我屋頭叫心知非吉祥晨果得凶耗叔父
我同庚體強每我傲何意數難知先我赴冥召路遠哭無
從有淚暗擗標嗟我與叔父相親自幼少時復共一堂長
者稱二妙弱冠隨父兄所親各遠造往來梁陳閒見尙歲
時稍自我返鄉閭叔鼓濟陽權從此隔關津寤寐枉縈繞
屈指廿年來運祚歎顛倒戊子走京師求祿我自謂驥老
祇價轅弩強邠穿縞就叔東阿城風塵感相勞有子纔九
齡聞呼夢驚覺疑是遠客來長揖但旁笑骨肉不相識我
心輒恨懊欲訴別離情語多邠知要臨歧魂暗飛風雪雜
呼嘯胸息一星終仍作埵蘿蒿書來憶春初積憂病難療

拚爲異鄉鬼敢望故園蹈此語痛何深永訣豈遂料嗟我
近益衰齒脫目昏眊諒無百歲期哭叔還自悼

敗絮行

吉貝裝衣輒且密過時暖盡棄不恤縱能舟漏塞沮洳乍
可布禪處蟣蝨擣杵翻牀憶昨時素機織手縑長絲縑成
織綺細裁翦裏棉製體溫風吹珊瑚鞭駿馬者誰子合故開
新常若此道旁輕棄未足悲衣被曾徧窮櫓士君不見黃
黃狐腋集作裘披將龍鳳宮煙浮一朝塵污擯勿用毛毳
革裂深堪憂

禁煙歎

種棉寒可衣種稻飢可食毒草乃徧栽豈救飢寒迫九州

無閒田其來自鬼國煎熬聚濃膏吹煙作青黑熏蒸腐腸
胃噓吸盪魂魄彼昏嗜不知甘以性命易始但盛東南久
且及西北問價抵黃金爭購詎論值姦商因其利脂膏竭
寰域在昔嘉慶中此禍未爲極我思物所名其理要可格
彼哉礮與槍毋乃兆凶逆 今皇憫黎元赫欲掃羣惑皇
皇堯舜朝豈無契與稷何難作新民舊染盡除滌胡然讒
殄徒交煽恣鬼蜮可憐久承平民不睹兵革一朝起倉皇
骨肉痛狼籍禍始自粵東蠢動日叵測暫避疆臣威未敢
肆殘賊遂使浙東郡烽火照連驛通市咎前朝弊政貴早
革懷柔 聖人心庸庸彼焉識因循廿年來交易互海舶
財賦富中原羶趨久夷貊折閱已番銀淫巧況充斥姦術

墮不悟漏卮歎誰塞魏絳論和戎此豈足口實 深恩被
五朝將帥自努力願得賦同仇宵旰 至尊釋

鬻兒行

老夫牽兒上街鬻老婦相隨道旁哭兒年雖幼頗有知掃
地烹茶習已熟客問鬻兒幾何錢老夫老婦俱涕漣是兒
親生不論價但願小過休笞鞭兒隨客去遠難喚老婦歸
來哭且怨可憐老夫不敢言忍淚吞聲欲誰勸君不見東
家有男朝無餐西家有女衣不完老夫老婦慎勿歎兒雖
遠去無飢寒嗚呼兒苟無飢寒鬻兒何用心悲酸

查振歎

振災造戶冊查戶檄分段此鄉尤低窪決埽水先灌阡陌

望不分抱冊那可按老翁聞我來亟趨面流汗小兒爭開
門扯衣令我看老婦獨無語流涕及脛骭知有五男兒餓
死已過半存者祇兩男無食又各竄口冊不得登飢腸願
獨斷我聞盡然傷里正亟傳喚云彼情雖真似此亦無算
虛口孰敢開例冊焉得飢里正非有私我心那無惋念彼
發振意原以集流散散者不可聚何用捐紛勸戶口苟或
濫此咎我敢追

題楊龍友蘭竹墨蹟卷

竹勁蘭幽少媚姿一生心事有誰知蒼梧遺恨瀟湘怨併
入孤臣下筆時

歲暮感懷

客路金焦外江流繞白沙愁添寒夜柝夢斷海門槎急雪
回征旆淒風咽戍笳不堪當歲暮況乃是天涯

除夕放歌

傳聞凱歌海上來今我不樂何爲哉更長燭明得此夕雖
老且病心顏開東望舟山慘兵革逆虜長驅勢誰敵老弱
紛爭溝壑填邱壘平除骨狼籍到耳那聞爆竹聲傷心惟
見新燐碧我今骨肉皆眼前椒盤依舊開春筵流離幸免
願已足但望四海歌豐年吁嗟乎安得四海皆年豐太平
鼓聽聲瑟瑟

辛丑

路文貞公墓在洞庭東山歲久傾圯里人吳靖修

新之王懿輯公遺文刻集徵詩爲成長句

燕都一夕驚聞變賊騎長驅下淮甸誰與死守臣振飛慟
哭江頭自團練與公一心惟按臣捍禦無功並遭譴江山
半壁此何時權黨猶然肆排間悲哉公去國亦傾小朝廷
又倉皇建閒關奔走空涕零閩越崎嶇翼重奠颶風鯨浪
冒萬死箕尾神歸淚同濺大節煌煌炳古今奇勲豈獨臨
危見卽看杖節按閩時慷慨紅夷殄一戰當時疆帥盡如
公寇賊何由滿寰縣可憐鼎沸塵飛揚殘壘荒城更誰捍
忠魂飄蕩知安歸封山月黑空悽惋祠墓荒涼二百年遺
文零落阡碑斷修葺深嗟二子賢千秋高義昭雲漢

喜張詠仙

肇辰

來留宿學舍

荒齋寂寞少人過，忽報君來喜若何。
相對憂時聊說劍，不工諧俗且高歌。
蟲沙劫歎塵寰小，蠻觸爭悲世變多。
安得醉鄉長共住，不知滄海有風波。

與詠仙夜話有感於朱仲環之歿賦此追悼

離別已可悲，況乃隔生死。憑君說朱生，悲來不能止。
朱生負才名，籍籍滿鄉里。賢書晚雖登，志氣歎早靡。
躑躅黃金臺，四顧孰知己。平生所歌詩，標格欲何擬。
上規風雅宗，下約漢魏旨。一字不苟作，性命此相倚。
頗聞易簣前，賸稿尙手理。意苦能悽心，語窮欲竭髓。
此事知必傳，不待沒身始。所嗟身後名，無用亦徒爾。
君窮正何因，無乃實坐此。願君鑒朱生，昨非或今是。
墓草感久宿，生芻薦猶俟。因君寄涕淚。

淚一灑解溪水

初得長孫命名潤庠作詩示懋兒

我年二十五我始生汝兄汝祖政五十抱孫喜方形汝生
後三歲一室慶添丁今汝復生子我亦五十盈我豈不動
色轉念傷我情憶汝兩兄弟毀齒讀五經教誨叔兼師珥
琅音能清汝祖聽之喜謂兒當有成期望未稍釋老病時
自驚誰知逾十載一衿汝始青痛汝祖父母欲呼久泉冥
今此襁中物愚智難自明雖然墮地哭厥聲頗類英長成
或不凡繼起隆家聲我豈定能見白髮看日爭況茲正崑
崙東海苦用兵饑饉更連值民各憂其生兒生欲何祝且
祝時豐享兵荒幸能免教養始堪營潤庠紀毓地聊以命

兒名非幸江山秀鍾此芝蘭韓欲知近聖居生已殊蚩蚩
我苟畢憂患得偕汝歸耕一編課兒讀孝弟傳先型我願
亦已足汝責誠非輕回念汝生初涕淚滿吾纓

紀事

沙角縣孤壘狂鋒抵死嬰議和方共恃力戰欲誰爭仗劍
空憂國臨危尙請兵將材容易得涕泣獨捐生

命將重推轂歡聲溢廟堂登壇原國士秉鉞況天潢
鼓連營急旌旗夾路長定知軍令肅安堵歷嚴疆
西域威聲在樓船舊將雄便應驅組練亟爲掃艤艫捷未
盧循報書先陸賈通聖恩歸養病抱恨欲何窮

和張詠仙

連天烽火逼江東重鎮遙移本上公解道弦高能犒敵誤
他魏絳齊和戎旌旗色拾環明月鼙鼓聲開送朔風可惜
威名傳舊日珠崖銅柱有元功

和龔子貞

四海從來是一家蓬瀛風起卽天涯當時空運秦皇石何
日重浮博望槎雨急蛛絲猶暗網雲昏鷹爪欲爭拏不堪
更逐悲秋客詞賦江關動怨嗟

哭婦弟王耕畬

忽傳君死信與否昨尙有書落我手乍聞此信一室驚阿
姊哭弟甥哭舅我更無淚灑向君誤報疑或耿蘭有君書
我更子細看尾署月五日廿九一句未隔君乃死死未聞

疾死何咎知君爨火本常虛荒歉頗仍奈空缶乞憐未肯
徒自憐憂竟傷人語非偶君死妻子更安保彼蒼忍使君
無後吁昔而翁與我翁黨籍名傳滿人口先志能承我愧
君遺恨君無死不朽君死地下定見翁家常應爲翁重剖
我生方痛親顏違君死依然侍親右君況骨肉重泉多慳
聚還看弟與母果爾君死應目瞑我恨無從就君叩我生
親故非獨君遇我未有如君厚死喪相助病相扶此誼今
無歎已久今聞君死痛若何況未憑棺一俯首堪更往事
思昨年相遇鄉關共杯酒看君顏色何慘沮忍淚西風約
無負永訣豈知卽此時頃刻黃雲變蒼狗兒啼婦哭君不
聞總帳昏黃慘相守人生得喪誰能齊此理吾將問莊叟

莽莽塵飛正滿天死或非天生非壽悲來填膺欲何語且
自停哀勸我婦

張淵甫履自句容來訪遂徧尋南山諸勝余因病未

偕留宿三日而別

瘧鬼肆相侮寒熱互迎送呻吟正牀榻誓欲高陽訟忽聞

張夫子門外一驢控亟起握袂看倏若體輕縱知君候遷

客

時以侯官林公
北上來此候送

邀我執鞭共願見想君子我豈憚倥偬

昨傳下澤車暫繫出關轡久待固未能訛報事或恐君歸

且勿遽我願一言貢潤州古名郡勝蹟頗亦衆但爲康樂

游毋效長沙慟清冷山水閒我雖未能從高論思聽君或

者發愚癡感君意殷勤黃齏共剖甕經濟非空言文章適

時用啟示篋中篇足息鬱寡閨惜我病初起氣怯尙難誦
漫思芒屨穿卻笑布衾幪區區緣尙慳那怪疾魔弄送君
渺愁余悵望離雲重

漫興

滿眼風塵掃未清深山伐木自丁丁爛柯欲問旁觀客此
局何時一劫平

終朝兀坐苦炎氛望斷清風送白雲莫道無人問閒事訟
蕉彈竹已紛紛

中秋大風雨

雨風底事十分狂吹滿浮雲掩月光失路情懷前日憶中
秋令節此宵忘歸如有屋何憂破家已無田卻畏荒莫更

江湖連夜長披衣起看獨旁皇

消息

消息傳來總可疑烽煙宵警捷朝馳將軍自愛張燈宴戰
士爭誇釋甲嬉敵壘雲高閒礮石連營月落空旌旗防邊
除是三江督雪涕臨風肯誓師

哭竹亭叔父

邦玉

摧顏世所感本支況同庇可堪一歲中兩隕阿咸涕尙憶
戊子冬京兆我下第歸從鵲華頭與叔一把臂恩恩未三
日南北望迢遞昨年四叔喪怪無尺書寄哭兄知過哀遺
疾語時鑒尙道療卽瘳誰料世長棄哀哀我兩叔與我最
深契四叔我齊年叔少更兩歲總角想一堂朝夕共嬉戲

雖然諸父行誼若昆與季今死皆我先我衰能無悸昔者
我從祖豪邁性獨異家無儋石儲千金散弗計宦閩垂十
年循良譽遠被持論每侃侃不畏忤大吏屢出罪人死甘
被有司議至今三山民猶享故侯利以此遺後人縣縣應
勿替胡然我諸叔凋喪後先繼十年淚未乾豈獨此酸鼻
故鄉生難還首邱願空冀纍纍八九棺藁葬欲何地堪悲
更門戶單微綫孰繫同父叔五人所留僅一弟念此復何
言天閤叩長閉含斂既莫親涕泗亦徒墜已矣今生情欲
見但夢寐

聞舟山復陷寇逼鎮海有懷葉青原

望

大令

披猖賊勢來何輕東南千里無堅城頗聞鎮海備守禦居

民安堵忘憂驚君雖少年不經濟衆志能結推精誠三江
制府況人傑誓死辦賊心同傾淋漓大義曉日月悉銳駐
此鋒誰嬰昨傳夷船復北駛擒馘醜虜懽同聲所慮小勝
或輕敵深溝堅壘宜嚴明海風忽捲怒濤黑舟山果又吞
鯢鯨遺民尙未息殘喘堪更血肉飛從橫蛟門一葦竟潛
渡轟天礮火驚連營浙東數郡此保障死力應效睢陽并
養士深恩二百載豈無憤切同仇情死爲國殤縱不卹
蒼黎終賴君能生摩挲老眼望日夕捷書飛布心忤忤

寄張詠仙

淒風逼燈昏蟲聲助悲悄幽憂不能已此意欲誰曉自君
別我歸三月信音杳知君侍親疾日夕效祈禱勿藥已有

喜眠食近知好一室我獨居思君夢魂繞狂飆起海東揚
塵滿山島廓清知何時鬼蜮競當道念茲蹂躪苦朝夕各
誰保天災更肆虐淫潦沒禾稻流離滿街衢哭聲震穹昊
深憂雁鴻哀不祥兆鴟鳥疇言天地寬但覺側身小憂國
彼何人切切杜陵老所願惟年豐語痛世休藐我無濟世
才私議敢輕掉獨憶曩苦飢乞食面枯槁得米付妻孥一
飽事已了此樂豈今有覺悟恨不早發婦自恤緯語悲聽
者少知君負遠識羣慮定能掃雖茲局促懷賢豪或羞道
嗟彼賈生徒泣涕亦徒抱思君不可見我心怒如擣

勘災紀事

天災本流行於此亦太數此閒洲居民億萬數不足昨年

淫雨過七月水深三尺低田蓄今年江湖漲尤大高原隄
漾搖空屋死亡過半存者幾告訴飢寒少匍匐偶然隔水
看招搖有限餘黎盡一哭漂流骸骨紛滿前吁嗟彼蒼抑
何酷閩浙烽煙方徧傳鼓鼙聲震連山谷戎馬經過道路
艱廬舍平除慘轉轂潤州路遠或倖免堪此陽侯肆荼毒
民生在食食在田田無寸稻死知速恨我手無尺寸權拯
此災黎得鼓腹歸時定告妻孥知粗糲無憂豈非福流離
滿眼誰同哀撫綏終賴賢司牧

洲上書所見

岸泊江湖勢欲浮去年曾此繫扁舟舊痕水底尋何處欲
問波心少白鷗

千頃平疇好泛舟中流安穩少風濤水深淺何須問船底禾眠不礙篙

低疇行盡見平橋隱隱波心出斷苗指點傾敲數間屋水痕猶未過牆腰

破圩零落不成阡認路全憑樹斷連十里斜陽望中沒不知何處有炊煙

木棉浮水半敲斜殘稻青添徑寸芽稍喜豆棚依樹結疏疏猶作幾叢花

門作浮梁屋作舟星餐露宿不勝憂傷心更是潮平處臘骨殘骸付斷流

江舟九日索米不得賦此解嘲

重陽休道例登高此日江舟急怒濤貸米無門誰送酒插
萸少客況持螯飢雲擁樹山全失驟雨翻橋石暗遭未免
朝飢僮僕笑題餓敢負少年豪

舟夜風雨

昨夜星滿天風雨忽如此知彼江中洲又增幾尺水洲民
已無食堪更少棲止近江數州縣被災況相似聚此飢寒
民流離互千里戎馬方倉皇道路苦行旅有司急供億徵
發正四起欲建發棠請官倉歎無米此邦士大夫議捐日
靡已億萬仍呼號無術可救死吾恐東南憂岌岌未有底
反覆不成寐濤響滿吾耳

圖山礮臺

險要東南扼高臺此孰留沙回江岸夜潮涌海門秋欲問
匡時略偏深望遠愁卽今論戰備應及未危修

歎菊花

秋風吹老草不華籬邊叢菊始放花冷香傲骨縱矜貴陶
令已去知誰誇顏色鮮新憶桃李芙蓉亦自嬌無比由來
名花貴及時開遲雖好終何倚君不見百花雨露爭含芳
傷汝獨晚經風霜

得黃韻珊海鹽書

不道干戈裏馳書有故人浮名千里誤離思十年真海近
城愁撼江高岸欲淪相望無限意可獨爲憂貧

驚聞四明失守督師裕公殉難

紛紛口擊賊誰平誓死功應躍馬成忽報將星千丈落東
南已是少長城

休道恩難一死酬鸛鵲猿鶴痛全休請看落日紅旗畔曾
見將軍有斷頭

鐵衣留得血光紅尙記

先朝百戰功倉卒銜鬚能不負

始知忠孝有家風

公祖班第乾隆
中死伊犁之難

忠魂空逐暮潮還慷慨誰親鐵甲掇從此戰功休更說不
妨盛世有苗頑

讀房琯傳有感

房琯空悲將略多陳濤一戰恨如何早知幕府惟劉秩應
悔心輕曳落河

得張詠仙悄字韻和詩復疊奉寄

望君君不來我心獨憂悄
暗室坐一燈長夜那易曉
關河雖遠隔報書幸未杳
書中知何言未讀已心禱
景象此不堪尙望故鄉好
那知感時淚先向筆端繞
金昌習繁華百貨萃蔽島
雜處五方民充塞滿衢道
閭閻久嬉嬉譏察憊里保
寇氛忽四明靡遺慘蟹稻
訛言日驚傳烽火照蒼昊
哀況雜雁鴻樂更少烏烏
乘閒起探丸入市聚宵小
官府不敢問呼號任幼老
謂皆飢寒徒斯患實微藐
王章究何在聞語各頭掉
伊古盛荏苒誰非始餓槁
但嚴六城鑰盜賊豈卽了
嗟君郭外居應悔徒不早
禮讓苟共敦犯亂勢或少
君志惜未展一室僅自掃
我雖鄉里遠魂夢那可道

歎息出突旁徒薪火還抱君詩比堅城偏師敢輕擣

寄葉生鶴山

燭

淒暄本遞更人事有反覆誰能處困窮歌歎自幽獨君家
方盛時賓客滿華屋倏忽散風雲門外少停轂惟有階前
草依然向春綠知君奉母居鍵關謝塵碌感遇空昔賢聚
散類轉燭迢迢蘇臺雲極目蔽浮玉翦燭知何時重各話
衷曲

思君雖不見君弟欣昨來過我話夙昔興廢付一唉況茲
近海地莽莽方飛埃君家有癡叔

謂青原

夢想尤紛猜死生

未可識遭遇良堪哀翦蔬共君弟情話聊低徊相親溯几
席回首心徒摧

記我與君游歲月亦云邁君鬢已變蒼我目更日瞶望遠
空模糊蹤迹幸未昧聞君厭紛華一編自勤對苦吟效陰
何佳句法何在此事念平生深嗜入寤寐雖於古人中未
知欲誰逮哀樂要各通所學笑強派諒無真性情於此孰
能愛願君發和聲毋但激慷慨

定海陷賊鎮將葛

雲飛

壽春鎮王

錫朋

處州鎮鄭

國

鴻俱力戰死王公尸未得歸其死尤慘

海外城縣勢本孤營連三鎮豈良圖旄頭星訝飛何疾馬
革尸悲裏得無浪涌鯨鯢腥落日風騰猿鶴慘荒蕪可憐
一夕金雞嶺又報前軍失將符

定海陷後寇犯金雞山狼
山鎮謝公朝恩亦戰歿

游招隱寺

百憂正難遣聊作南山游南山雨初過活活鳴泉流落葉
滿荒徑淒氣增林邱煙際出古寺金碧森吟眸緬維蕭梁
時戰伐方未休昭明抑何賢讀書此高樓滄桑歎幾閱石
几今還留興廢欲誰論出處不自謀海氛望中滿落日生
羈愁何能結游侶長此發清謳

酬路質軒

應廷

寥落空齋裏三年共此心病懷知獨喻歸夢欲先尋苦說
風塵急兼愁雨雪侵君聽棲樹鳥亦自動哀音

詠古

高穹照旭日萬里無遺輝浮雲一以蔽隔面黃塵飛美人
不可見寂處空房幃恩愛憶結髮白首期同歸容光未嘗

減棄置勿復悲可憐懷君意輾轉猶天涯但願後來人結
念長無乖惻惻東鄰女十載牆徒窺

圓月有時虧明星不常燦本是同里人忽若異鄉縣誰能
假意親得免中情斷中情非有殊今昔境豈換豈知親疏
情不在隔閭閑胡越舟可同骨肉或離畔兩心苦無乖昔
季詎今渙歎息女與牛相望永河漢

秋懷

白髮蕭蕭攬鏡中百年多病早成翁自知歡樂時原少但
寫悲哀句便工倦鳥失林愁落日亂蟲應候急秋風江湖
況復兵戈滿望遠思鄉恨不窮

觀棋偶詠

落子無聲局未終殺機纔啟智先窮漫疑攻擊全無路黑白分明兩眼中

卻敵全憑得算多置棋不定意如何笑他此局原全勝半子難贏便欲和

關心此劫幾時過舊譜重尋失已多可惜爛柯人已去不教指點恨如何

攻腹無能祇亂邊相爭未必便相先誰知勢已空全局斂手推枰一惘然

得王亥坪書卻寄

官燭同燒兩載親恩離別感風塵身緣許國艱難忘語以傷時涕淚頻弓箭無聲驚霹靂旌旗不動冷星辰劇憐

言者山會詩和 卷四
海上談兵夜惟念呻吟一室人

大雪五日止

京口五日雪盈尺長年三老已不識傳聞海東更裘丈往
紀所無舌同昨浮河漫野豈足論層屋重樓覆頃刻北風
刮來疾似刀鬢髮欲斷肌膚坼卽非兵氣感斯戾亦是陰
霾積成逆五行占驗我未諳撫時那免心憂迫漢家丞相
有故事調燮於今欲誰責吾君 堯舜變自弭會望陽和
滿寰域

復雪

雪止已十日寒威未少減北風夜來緊皚皚又滿檻窮巷
無行人重門晝深掩但聞糧車聲到晚尙轆轤舁夫凍欲

仆有口不能喊軍需正旁午誰敢廢征斂官非盡苛殘奈
茲歲屢歉嗟嗟東海頭排列滿戰艦挾纊溫誰歌僵臥憫
冰濂

慨然望窮檐調飢戶難出裋褐復不完肌膚凍欲裂素封
者誰子紅爐擁密室狐裘耀輝煌羔酒恣羅列尙道豐稔
兆詎知災沴結江洲億萬戶凍餒孰知恤深恐盜賊心坐
此生倉卒仰天歎漫漫入夜雪逾密

亢陽能爲災陰氣況過盛彼蒼識何意冥晦積民病醜夷
勢方驕殺戮慘萬姓所居本炎燠畏冷乃其性降茲太古
雪或隕虎狼命亟望入蔡師一掃海邦穽淒霏正未已殍
餓滿溝徑起視萬瓦白杞憂欲何竟

除夕

爆竹聲中歲又遷
兵荒經過雪盈顛
幾人自晉椒花頌
老我仍開柏子筵
回首全家多涕淚
驚心東海尙烽煙
腐儒憂國知何補
獨向空庭祝有年